

福建通志

第玖拾叁冊
藝術傳

K295.7
1

福建藝術傳卷一

書一 宋

章友直字伯益蒲城人少卓越自放不羈不肯求選舉族人得象爲相欲以郊恩奏補官謝去徧遊江淮嶺海閒自大人豪傑以至閭巷庸人小子與之交際未嘗有所忤亦莫不得其懽心讀書通大指善於相人然諱其術不多爲人道之精音樂奕棋書畫在徐鉉門工玉箸字學時謂自李斯篆法之亡而得一陽冰陽冰之後得一徐鉉友直在鉉之門其猶游夏歟皇祐中近臣言友直文章善篆有旨召試以疾辭已而詔太學篆石經廷臣復言友直篆法再召赴闕經成除試將作監主簿不就賜銀百兩絹百匹初至京師翰林院待詔數人聞其名然心未之服俟其至俱來見之云聞先生之藝久矣願見筆法以爲模式友直命粘帛作二圖其一縱橫各作十九畫成一棋局其一作十圓圈成一射帖皆一筆所成麓細閒架疎密無毫髮差諸人見之歎服再拜而去太常少卿元居中出領宿州素喜

其書至宿則盡所有摹諸石以廣其傳緣此東吳之地多其篆蹟嘉祐七

年卒於京師年五十有七

王臨川文集宣和書譜墨莊漫錄玉海御快軒文集道光舊志

章女煎浦城人友直女能篆書傳家學亦能以篆筆畫棋局縱橫如一有

石刻心經陰符經傳於世

皇宋書錄外篇

余煥建陽人工大小篆書筆勢奇偉真文忠公嘗使書聖賢言揭坐側稱其如正人端士服古衣冠巍然拱手使人望之起肅敬雖嚴師善友曾不

過是

閩書

書二明

鄭燁字宗晦永福人元鄭杓子洪武中辟興化縣訓導天才逸出長八分

書

閩書

黃伯珪字孟友光澤人少有才名能詩善書人得一詩字者寶如奇珍洪

武乙丑進士授御史

丁同字彥仁政和人寧親孝與同邑劉穀安孫伯琦張文中李弼夫彈琴

賦詩爲方外游學者稱爲白雲先生永樂中以楷書薦辭不就曰吾工於字而拙於諸俗也弼夫以畫名寓意遐渺悠然在筆墨町畦之外以上道先舊志

陳廉字叔平福清人少聰敏嗜書構醉墨堂并雲山不礙樓學書其中精

究篆隸草隸凡二十年而草隸尤爲時重性簡抗寡諧貴遊豪俠踵門求

書輒弗屑與過故人家有楮墨當意即解衣揮灑累數十紙號黃山翁又

號雪蓬散人林鴻高廷禮王恭周玄諸名士皆有詩美之閩書東越文苑

張端將樂人少負才名景泰間薦授鑄印局大使直南薰殿善楷書精草

篆隸邱濬嘗作考隸辨及詩遺之同邑余重謨工吟詠善飛白楷草似陳

獻章祝允明海內寶之道光舊志

蘇洵字景濟建安人成化改元詔藩郡召經明行脩之士郡守以洵應薦

以疾辭歸洵善書能染竹石梅菊所著有貽拙集燕遊倡和錄閩書

林景清字靖夫一字竹窗連江人郡諸生援例充貢入太學成化閒爲湖

廣興國州判善草書閩自永樂中王偁工於八法繼偁者景清也同邑陳

廷泰好學能詩字亦遒勁

道光舊志

廖輔字舜元長汀人弘治二年以貢士知連州政事明敏士民畏服工草書有張弼筆意爲世所珍

閩書

林焯字惟大福州府人正德閒以工書稱學趙孟頫而稍勁凡所題識至逾尋丈莫不極天然之趣

閩書

黃公甫字心湖長汀邑諸生嫻古文詞善擘窠大字嘉靖閒徐中行知汀州宗臣爲提學按部至郡選勝賦詩必與公甫俱一日試案揭公甫僅列平等臣爲一拱手曰未曾高拔其高致如此今朝斗霹靂諸巖臣中行所題詩版皆公甫手筆

林淦字濟舟古田人能書萬曆閒嘗官豐城典史初爲諸生貧甚嫁女爲真草書兩籠遺之曰此聊當奩具留之可濟米鹽也其婿患甚盡焚之又嘗授經於包氏常以書贈人亦無收藏者死後紙乃漸貴

郭天中字聖僕莆田人萬曆中布衣性至孝工詩尤專篆隸之學窮巖斷

碑搜訪無拓閉戶冥搜寢食俱廢母沒葬城東就居其側風雨蕭然不肯去故人泰和楊嘉祚爲揚州守延天中贈以金千觔買歌姬購書畫古物及散給貧交緣手而盡諸姬中有朱玉即工畫山水師董巨李陀那工山水仙直逼趙孟堅疏窗棐几談諧既暢時出一姬清歌以娛客鍾惺贈以詩曰姬妾道人伯敦彝貧士家卒葬南京雨花臺之旁以上道光舊志

吳應字允吉政和人由邑庠生升太學工篆隸八閩通志

邵文恩字仁甫閩縣人工行草選直誥勅房又工山水師法北苑古雅可

觀累官尚寶卿閩書

徐昆福甯人善篆隸旁通琴詩草畫閩書

林天駿字守良閩縣人官終膠州知州精書篆篆學李斯生時莫貴也死

後一紙輒數金閩書

黃源清流人任汝寧教授能文善書年九十卒閩書

王建中字懋德懷安人官太學善草書書學福清陳廉得其位置閩書

黃用中字道行閩縣人善書時寫意作山水石注唐駱丞集十卷行世閩

王錫字克剛長樂人仕歸善知縣工草書號醉樵閩書

蘇鉦字良聲建安人孝友喜讀書好吟咏善書翰寫竹石花木山水態韻

超逸片楮半縑人所珍惜閩書

陳旭字叔旦以字行閩縣人幼穎敏從陳景著受學剛正樂義長於書法

行楷大字皆精妙道光舊志

劉布字孟升長樂人嗜古書法從中書陳登遊京師歸構山房於籌巖習

書一十餘年篆籀甚工爲時所重閩書

李無惑同安人善小篆其勁健端好與李陽冰相埒士大夫家藏之以爲

寶官翰林待詔

李宓字義民龍溪人工諸體書董其昌嘗具書幣請其書晚年以黃庭內

外經一經一緯王羲之書外景而不書內景殊缺事因續書三千字補之

結體工妙論者以爲天女六銖繁采麗密自然縹緲今所存摹搨甚多又

同邑有陳日炳者與之相伯仲

張維藩字虛舟平和諸生博通經史能詩作字喜用禿筆倣鍾王顏柳而自成一格吳人王穉登酷喜之索得其片紙隻言以爲至寶

王祐字彥貞建陽人性豪邁所交皆名下士尤善草隸墨竹及陰陽地理

之術號主石道人

以上道光舊志

李璧字介石晉江人家貧力學教授鄉里小兒以自給衣帶巾服飭步矩行工詩詞對偶尤善行草書畫亦迥勁老幹枯藤深得宋翼家法同邑陳

良楚亦善詩工畫遊吳楚閒米萬程鍾惺聞其名招入社

書

劉紀長汀人善行草同邑曾一陵工八分書何棟善草書泰寧人

黃學洙晉江人善楷書初學晉人後復益以歐虞顏柳有名當世提學愛其書以爲諸生

薛銓字穆生莆田人幼從父居會城爲侯官諸生恬靜寡言精字學明亡隱於市益專心古篆其篆刻海內鮮匹求請者無虛日以此終餘年銓奉

親甚謹妾陳嘗割股療姑疾

楊祺字吉生鎮海衛人少補諸生明亡後結茅於北山語雲峯工書畫寸紙尺幅人爭貴之卒年九十六祺子殊字無隱工詩以上道光舊志

書二清

鄭簠字汝器號谷口莆田人同邑宋珏善八分鄭之師也田雯贈詩云山
壘書屋四大字一字直可價千緡朱彝尊宋琬皆贈有歌詩顏氏尺牘

黃掌綸字展之號吟川龍溪人世有隱德鄉里稱通德黃家幼即沉潛篤
學尤酷嗜金石文字詩學杜樊川許丁卯行楷書俱有古致旁及繪事師
法荆關用墨嫺潤布置寬閒饒有大家風格惜數奇屢曠場屋所著有吟
川詩鈔若干卷墨香居畫識

林寵字吳卿閩縣人工楷書倣歐陽詢而閒以黃庭之意一時文士奉爲
模楷福州題榜多出其手閩中書畫錄

徐國錦字翼子建寧諸生父叔穎性豪邁所交多一時名人喜購書畫家

藏名賢真跡甚多國領精心臨摹遂兼眾長第說亦善書工小楷同里增
生吳游字士林工詩尤善書法其弟子朱文儀字羽皇從學書具得古人
筆意復師上海詩人周銓銓書自負冠一代獨奇文儀文儀之弟文仁貢
生喜大書雖尋丈無不如意貢生艾友竹字衛瞻詩才敏妙書法亦有滿
洒出塵之致楊帆字秋浦書法爲金壇王澍所稱諸生朱泉能變化古法
自成一家貢生吳牧元字耕民隸書獨得古法

郭張勳既舉諸生工行楷書當勳時無有知其書者勳常言今人不知吾
書後必有知之者蓋藏數紙以爲後驗人皆不之信乾隆六年大興卽維
肅知建寧府維肅素善書見之大加歎賞

安行字及成南平諸生工小楷諸家法書手追心摹無不宛肖

魏萬字大千龍溪人工書學顏魯公得其筋骨展之爲尋丈約之爲針芒
於家廟麻姑二碑尤爲神肖請書者具幣甚腆萬隨手散去不留一錢後
有黃巔字小山邑諸生草書學懷素亦擅名

劉光字字堯天歸化諸生性瀟灑不慕仕進寄意詩酒善書踵門求者如市輿至一揮三五幅人以張旭擬之得其半幅數字如拱壁

江錦城字雲邨建陽廩生精書法得力尤在東坡興酣放筆姿致橫生嘗遊吳越北至齊魯燕趙南至粵東得江山人物之助書益工萍鄉顏培瀛者博雅士也不輕許可人嘗曰我朝建寧工書者雪僧潘遠而後雲邨其一家也

王蓼字飛卿晉江人善書畫其大字尤橫絕一時家酷貧以賣字爲生有索書者價已成忽欲減辭焉既而如價又辭倍價益辭時家中已絕糧或勸之蓼曰自貶徇人賣字不如買餓也執瓶灌花談笑自若同縣莊克徵善楷書學王右軍妻吳氏亦能文善書

鄭增俞聖時連江人諸生崔衍江林希賢字槐容貢生黃道熊字元飛寧德人皆以善書名陳體白永安人工草書嗜陳白沙故名諸生孫朱寔臺

灣人工行草書

以上道
光舊志

福建藝術傳卷二

畫一宋

費道寧懷安人大觀中以丹青召入畫院善花草多作交枝

區繪寶鑑閩書

張彥悅黃某建陽人鄉人新作聚星亭欲畫荀陳遺事于屏間而窮鄉僻陋無從得本張黃二生能考究車服制度想像人物風采觀者皆歎其工張霖字材叔建安人以善寫晦翁名公卿間而氣象猶儒者郁英爲文送之稱其老而益窮南北逐食無定歲

以上閩書

陳容字公儲自號所翁福清人端平二年進士歷郡文學倅臨江入爲國子監主簿出守莆田賈秋壑招致賓幙無何醉輒狎侮之賈不爲忤詩文豪壯善畫龍得變化之意潑墨成雲噴水成霧醉餘大叫脫巾濡墨信手塗抹然後以筆成之或全體或一臂或一首隱約而不可名狀者曾不經意而得皆神妙時爲松竹云作柳誠懸墨竹豈卽鐵鉤鎖法歟寶祐間名重一時垂老筆力簡易精妙

艾淑字景孟建寧人號竹坡早游太學善畫竹與陳所翁同舍畫龍俱得名時稱六館二妙仕爲寧海軍節度判官時又有茅汝元舉進士號靜齋善墨梅人以艾竹茅梅爲稱

林泳興化人庸齋林希逸之子善墨竹自號弓寮

以上圖繪寶鑑

曾世賢福寧人工山水翎毛點染綽有神氣傳真亦臻妙境

李交汀州人圖猫世人珍之

陳天民福清人幼隨父宦山東遊泰山日觀有道士知歸子善畫葡萄天

民師之能臻其妙

以上閩書

蘇翠建寧人淳祐間流落樂籍

一作咸淳間供奉樂部

能八分書善寫墨竹亦工梅

蘭扶疏朗潤曲盡其致頗自矜貴每一圖成必以八分書題之

書史會要繪事備考

畫二 元

鄭鏗字子聲將樂人性嗜學攻詩尤長于畫鏗死黃鎮成有詩懷之云能畫能詩鄭廣文丹成揮手謝塵氛不知笙鶴遊何處留得瀟湘一片雲

閩書

伍元如將樂人專工山水愛作烟雲出没竹木姿怪之勢

畫三

明

鄭昭甫自號雲居山人閩縣人善山水兼寫真有節操明馬都尉王恭嘗逼致圖其像投筆大哭徑去洪武間選取赴京論者謂昭甫筆墨可與吳道子李昭訓並傳

書

范川莊崇安人家貧善畫變態時出曲盡物狀明初有欲薦爲金門畫士者川莊自謀曰嚴廊畫工必極天下之選豈易應耶徑入都訪金門畫客有程姓者求見請曰川莊貧無以活願傭門下供薪水暇則洗硯研墨執事左右許之川莊觀程畫出已下一日昧爽徑汲奔歸驚愕不惜聲詢之曰適見羣怪請貌之紙程見其備寫幽怪屈伸牽挽奔跳之狀大驚曰子吾師也卽下拜比歸值歲暮無以供臘其鄰嘲之川莊曰吾有一鷺勞子市之鄰曰諾乃取紙畫鷺張翼威勁作將鬪狀鄰曰除夕矣孰用此也川莊曰汝候富家有籠鷺歸者汝黏之壁人必取之如其言見童子驅鷺者

過之驚見畫鵞卽雄聲展翼作圖狀既近畫鵞遂戢翼垂頭而走主人乃出金求之閩書

鄭彥初閩縣人永樂初工畫墨梅閩書

蘇埤字伯厚建安人永樂時簡討通經史書畫並佳明畫錄

上官伯達邵武人善寫山水人物永樂間北京殿成召詣京師直仁智殿作百鳥朝鳳凰圖稱旨除官不受以年老請歸案閩書以伯達入元非是

羅雅字正伯沙縣人永樂間以貢生爲戶部郎中遷山東參政善畫山水高棟嘗題其米家山水有豫章賢後裔二米是前身之句

林泉字遵性以字行長樂人永樂十二年舉鄉試隱居南嶼董山下善墨竹同邑林真士與高棟友善棟嘗題其山水以上道光舊志

張子絃閩縣人工畫梅林膳部鴻有題子絃畫梅歌

朱孟淵閩縣人善寫人物蕃馬効李伯時獨得其奧與脩撰林誌舍人陳

登休傳楊榮友善畫繪蘭亭記淵明歸去來圖西園雅集圖滾悉用水墨

同時楊文敏楊文貞林太史諸公皆爲題跋

馬景約字自牧閩縣人山水逼真高克恭又出入董米開峯密結構煙雲
變幻錯綜萬態談笑揮灑曲臻其妙與高棟王偁輩相善私謚曰安素光

生以上
閩書

陳子和建安人專工人物筆意散逸自號酒仙山巖樹木奇怪蒼潤評者
謂在吳偉郭誦間同邑王彥真善墨竹道遇新寧林彥時寫歲寒烟雨圖
爲別王典籍恭爲之題詩姚子清善山水

閩書明
畫錄

張士達長樂人善畫龍虎蘆鴈墨筆尤奇同邑林輔字叔弼善畫從士達
受筆法山水蘆雁龍虎皆臻其妙高維端號正翁高棟之族善畫葡萄得
陳天民體林銘字良箴號琴樂子工山水人物竹石得宋元遺意高景度
工山水林宏顯號洞楊以畫梅名效楊補之王元章李液號十洋子善畫
龍虎亦能詩張德輔善畫魚林遵性隱居南與董山之下善墨竹

閩書

李在字以政莆田人遷雲南宣德間被徵山水細潤者宗郭熙豪放者宗

夏珪馬遠筆氣生動四方寶之宣廟喜繪事一時與戴文進謝廷循石銳

周文靖同待詔直仁智殿

閩書

周文靖長樂人

閩書作閩縣人又重出福清

與同邑林景時皆工山水文靖蒼潤精密

筆力古健兼人物花草竹石翎毛樓閣之類咸有高致宣德間徵入直仁

智殿御試枯木寒鴉第一官鴻臚寺序班子鼎亦善畫官錦衣衛鎮撫景

時自號虛白子山水專學二米閒效元人竹木林泉有意外趣召入京士

大夫多重之

圖繪寶鑑閩書

邊文進沙縣人善山水人物同邑邊景昭字公進

道光志作名博學能詩文進字景昭

精花果翎毛其於花之嬌笑葉之正反鳥之飛鳴色之蘊藉不但鉤勒有

筆其用墨無不合宜宋元以後殆第一人矣宣德間召至京師授武英殿

待詔子楚芳楚善並世其業楚芳占籍錦衣至其壻張克信甥前存勝亦

能之又鄧文明羅績劉琦盧朝陽俱善翎毛工巧處間似景昭

閩書延平府志

案閩畫記諸畫譜皆謂景昭爲隴西人蓋邊姓舊出隴西題款或署其